

Սաչելութեան պատկերագրութեան զըլ-
խին գրուած է մի առանձին քար, որ ճա-
կասն է կազմում, վերևը գարնէզով, ուր
փորագրուած է «համբարձաւ նձ» ևն. սաղ-
մոսի խօսքերը, իսկ մնացած մասը գողաձե
է և պատկերաքանդակներով ծածկուած :
Կեդրոնում բոլորակ և խոր սկաւառակի մէջ
Ամենափրկչի անդրին է, աջով խաչակրն-
քում է և ձախով փաթոյթ բռնած . նիւ-
բուսը բոլորակ է և դուրս ընկած, մազերը
ոլորուն գանգուր և միրուքը կլոր . վերան
ձգել է ծալքերով հարուստ ծիրանի : Ակա-
ւառակը բռնել են երկու ծնկաչոք հրեշտակ,
աջից և ձախից . քանդակագործը չէ կարո-
ղացել մարմնաւորել ծնկներից ցած ծալած
ոտքերը, կարծես փափուկ շոր լինի ծալած :
Հրեշտակների երկար պարեգօտի ծալքերը
վերից վար շարունակուում են և չօքած
մասերում . նրանք դէմքերը դարձրել են
դէպի կողքերից կանգնած ֆիգուրները, որ
խաչագուլուխ գաւազան ունին ձեռքերին :
Այդ ֆիգուրները նիւբուսով են . աջով գա-
ւազանն են բռնել, ձախը դէպի համբար-
ձող Տէրը բարձրացրել : Նոքա հագել են
երկար մինչև ոտները հասնող պարեգօտ,
լաթով գոտեօրած, վերնագգեստի փէշերը
փողփողում են քամուց . առաքելական
խմբի ներկայացուցիչներն են, երեսները
դէպի նայողները դարձրած, որպէս վկայ
կատարուած իրողութեան՝ համբարձման :

Այս նկարագրութիւնից պարզ է, որ

այստեղ խաչի արուեստի մի փառաւոր և
հետաքրքրական երևոյթ ունինք իւր բարդ
բովանդակութեամբ, համաձայն Անանիա
Սանահնեցու դաւանարանական մեկնարա-
նութեան, խաչի չարչարանքից մինչև համ-
բարձում փրկագործութեան միութիւն հա-
մարելով, ինչպէս տեսանք երից սրբասա-
ցութեան բացատրութեան մէջ (Ժ. պր.) .
գեղարուեստական նրբութեան պակասը լը-
բացուում էր և կենդանանում ներկե-
րով, որի հետքերն են միայն մնացել, և
լիովին գաղափար չենք կարող կազմել :
Բայց Հաղբատի տաճարի հարաւային պատի
որմանկարչութիւնը մօտաւորապէս նոյն ժա-
մանակից և նոյն վանքում ծաղկած ման-
րանկարչական բարձր արուեստը ԺԳ. դա-
րում, որի մի թանգագին մնացորդն ունինք
Գետաշէնից մեր ձեռքով էջմիածնի մատե-
նագարանը բերուած աւետարանով, ինչ-
պէս և ճարտարապետական անմասն ստեղ-
ծագործութիւններով, ապացոյց կարող են
լինել, թէ Հաղբատում չէին պակասում
արուեստագէտներ, գոյներով կենդանացնե-
լու քանդակագործական այս հոյակապ աշ-
աշխատանքը⁽¹⁾ : Արձանը կանգնած է շէնքի
մէջ՝ սրահում, և ոչ ազատ բնութեան, ու-
րեմն և արուեստագէտը պէտք է գործա-
գրէր համապատասխան միջոցներ, իւր գոր-
ծը տպաւորիչ դարձնելու համար : Հնագի-
տական առանձնայատկութիւնների մասին
կ'իսոսենք յետոյ :

ԺԴ.

Այս միեւնոյն Ամենափրկչի երեք փո-
փոխակներն ունինք ԺԳ. դարի Մամիկոն-
եանների կալուածներում, երեքն էլ ժա-
մանակակից Հաղբատի խաչարձանին . գո-
ցանից հնագոյնը Վեզիրի ակունքներից ոչ
հեռու՝ Զղինգեոլ կոչուած գիւղի սահման-

ներումն է՝ ՉԻԸ = 1279 թուականից (պարկ.
37ա, 37բ), Մանկուս պատմական կեդրո-
նից քիչ դէպի հարաւ-արևելք : Տարբարազ-
գարար այս փառաւոր յուշարձանը, գար-
ձեալ Ամենափրկիչ անունով, որ իւր պատ-
կերագրութեամբ պակաս հետաքրքրական
չէ Հաղբատի նոյնանուն խաչից, իսկ գեղ-
արուեստական քանդակագործութեամբ ա-
ւելի բարձր, կանգուն չէ այլ ևս . բուն

(1) Խաչքարերի գունաւորելու կամ ներկերով
պատկերաւորելու սովորութեան ապացոյցներ երե-
ւան եկան եւ Անիում՝ ակադեմիկ Մառի պեղումնե-
րով՝ Պապկա եւ Վախրադիմի եկեղեցու մօտ, 1912
թուին : «Եկեղեցու արեւմտեան կողմը եղել են խաչ-
քարեր, հաստատուած բարձր, ելնդաւոր կամարնե-
րով պատուանդանի վերայ : Կամարների տակ եղած
տարածութիւնը ծածկուած է եղել որմանկարներով .
մի նորութիւն խաչքարերի համար . որ առաջին ան-
գամ է երևան գալիս Անիում : Տարբարազարար
հնարաւորութիւն չէ եղել արտանկարելու այն, ո-

րովհետեւ արեւր գարկիւուն պէս, եղծուել են գոյ-
ները եւ փշրուել ծեփը (Մեր յօդ. Հովիտ. 1912.
453. «Անիի ներկայ տարուայ պեղումներից» վեր-
նագրով) :

Նման երևոյթ, բայց զարդանկարչութեան նը-
կատմամբ տեսնում ենք Այրի վանքում՝ Պապարի
ժամատան խաչքարերի վերայ :